

常山貞石志

常山貞石志卷十七

誥授朝議大夫直隸正定府知府今調廣平府知府前署大順廣兵備道沈濤撰

元三

龍興寺重修大覺六師殿記

碑高六尺廣三尺二寸五分二十四行行四十六字
正書篆額失拓有陰大德五年九月立今在正定府
城大佛寺

特賜大龍興寺重修大覺六師殿記

宣授真定路都僧錄鏡智圓明大師講唯識大論沙

門 密齋 永住 撰

圓通廣慧大師晉州僧正講華嚴大經沙門 雲峰

顯仁 書并篆額

竊聞白馬經來赤烏僧至聖教興隆積有年矣鎮古郡也其勢雄冠山東前臨渟水背倚恒山燕南趙北之雄藩東魯西秦之都會物生異寶代出奇人如臨濟普化慈覺金牛本寺鈔主通照大師千公神州論匠之英傑釋門絕學之上士接武而興是皆地位中人也故天下目之為選佛場然列剎相望而龍興居甲乙至於寺興始末閣建因緣金銅像感應於宋朝舍利塔呈祥於隋代度地創基之日天降異香安楹之礎之時花雨金屑瑞氣呈彩仙禽翥空收花者生上善心聞香者逾宿世疾哉於傳記備如刻誌昭如日月即非所叙大覺六師殿者宋元豐之創建也羅金正隆雖補修之歲月既深

不無摧圯迨我

大元聖朝萬物惟新爰有

金剛法寶上士摩訶鵬巴師父行符佛行心寶佛心以
慈悲為本懷以興修為行業拾曰金千兩資口營建仍
命宣微大師伯錄整公雄辯真覺大師僧判安公二人
董其事暨提點講主輪公寺主寶公協力而贊成之繇
是智者運其謀富者輸其泉長幼竭力左右惟命量財
計用揆日興為廢者興之歆者正之故者新之缺者補
之椽桷盡杞梓之材礎礎極燕珉之美飾以丹青塗以
赭堊金粧聖像彩會山龕相好端嚴曲盡其妙規模制
度煥然一新非向日之以可謂盛矣美矣輪焉奐焉其

所費不啻萬金皆出檀施故役不告勞功用斯畢經始
於至元己丑落成於癸巳之春然耆年宿德無敢窺竊
舉意重修真覺之力也一日寺綱淨淵輩踵門而請予
紀其始末欲刻諸石以垂示將來予應之曰崑崙隱玉
識者還稀麗水生金得人亦鮮鳳之鳴也稱賢之語誰
知琴之彈也守正之音孰解予既知音復坐吾語汝有
為之法必有生滅生滅之法如幻如夢如影如響雖利
那住不久則壞如斯福利但是入天花報非出世實果
若等曷不發大心而報佛深恩胡為區區於是哉衆謝
曰我等智識淺暗未達真乘然究佛之說則

國王施主父母師長乃至衆生皆報其恩故知如來設

教不專立空園而盡捐世法也方今

聖上有國護三寶之恩令我等安身行道獨於賦稅欲報其恩莫如興建伽藍崇修殿宇亦萬分之一也而茲殿再興誠金剛上士之心整安二公之力若不刻石以紀其事恐千載之後泯而無所考據豈報恩之意歟予聞而義之於是乎書昔大元大德五年歲次辛丑九月也住持講主定慧大師普淨等立石

通園妙辯大師真定路都僧判 遠丹偏 勸緣

黃山石匠 楊玉 石秀 刊

右碑永住撰顯仁書永住即碑陰題名下生院之住公僧錄大師元史世祖本紀至元二年詔諭總統所

僧人通五大部經者為中選以有德業者為州郡僧
錄判正副都綱等官仍於各路設三學講三禪會通
照大師千公稟城人事蹟具至正六年贍思撰通照
大師碑

碑陰

三十三行行
字不等正書

重修大殿外護功德主

榮祿大夫甘肅省平章政事阿散相公 并娘子撒
的斤

駙馬位下都總管相公八都魯 并娘子冉氏
管領怯忒口提領男善人李政慶 女善人趙政妙

女善人周澄慧 男善人澄妙 男善人澄智

闔寺廊下院僧衆施工運力頌名于后

僧名不錄

莊鑿佛像助營福業輸財檀信花名于后

妙行寺堂長尼祖廣遇修大殿觀境發心遂將父母
祖業志道坊街南宅院房舍一兩布施常住以為恒
產與父母以超昇願自他而獲益者

宣授諸路釋教都總統休巖 雲南路帖里馬亦哈

刺不花 女善人謝氏 男善人孟宣 男善人姜

伯源 女善人梁澄惠 女善人元氏

宣慰相公娘子忽都的斤 光祿相公娘子王氏

男善人魏駟

女善人張氏

女善人李氏

男善人李提領

男善人姜清

忽都魯娘子張氏

男善人孟清

男善人孟端

女善人杜氏

女

善人梨澄喜

女善人搆氏

女善人趙氏

男善人哈刺不花

女善人王氏

女善人劉氏

女善人梨氏

女善

人梨澄德

右碑陰題名阿散卽哈散樂城人元史附見其祖小云失脫忽憐傳今其墓有贈思所撰神道碑尚存據神道碑哈散以元貞元年特授榮祿大夫甘肅等處行中書省平章政事大德八年卒於官是碑建於大

德五年其時哈散正官甘肅又神道碑云配大族達魯乃氏字別的斤趙國夫人案撤的斤卽別的斤並與碑合元陶宗儀輟耕錄都下自庶人妻以及大官之國夫人皆曰孃子未嘗有稱夫人郡君等封贈者據碑知元孃子之稱不特至正間然矣駙馬位下都總管八都魯案龍興轉大藏經殘碑後有都總管府都總管八都魯疑卽其人元制諸王公主駙馬皆有分地與所受湯沐之邑得自舉其人以名聞朝而後授職又各投下皆置總管府其官皆用蒙古人回回畏吾兒乃蠻唐兀許同蒙古例敘用世祖初各投下總管府長官例不遷轉至元十九年始詔依例三年

一次遷轉攷元駙馬分地得真定者食貨志歲賜內
有塔出駙馬五戶絲壬子年元查真定等處畸零二
百七十戶延祐六年實有二百三十三戶計絲九十
五斤諸公主表有公主位某公主適塔出駙馬又塔
出子术真伯孫別合刺曾孫塔八皆尚主諸表並缺
公主名及其所封國邑此碑所稱駙馬當是塔出子
孫塔出元史無傳怯憐口戶名李政慶列銜爲怯憐
口提領書於八都魯之下疑亦駙馬投下官攷百官
志管領諸路怯憐口民匠都總管府秩正三品至元
七年招集析居徙夏還俗僧道編籍人戶爲怯憐口
立總管府以領之其屬有各處管民提領所二十秩

正七品眞定置所一有提領副提領和副官各一員
政慶之官當卽此也僧衆題名內慈氏院有宣授住
持達哩摩西天大師者蓋番僧也又有宣授江淮諸
路釋教總攝加瓦八大師元史世祖本紀至元十四
年詔以僧亢吉祥鄰眞加瓦爲江南釋教總攝加瓦
八未知卽此僧否又有宣授阜平縣達解寺住持達
解寺阜平縣志不載此後題名三行休巖等皆無攷
元史百官志中書省掾屬有怯里馬赤四人怯里馬
赤者蒙古語通事也元制各行省掾史蒙古必闕赤
回回令史通事知印宣使各省設員有差帖里馬赤
當卽怯里馬赤疑卽雲南行省之通事也宣慰光祿

未識是真定路人抑係官於真定者元史百官志真定路無宣慰司世祖紀至元二十一年二月壬戌立真定濟南太原甘肅江西江淮湖廣等處宣慰司兼都轉運使司以治課程碑立於大德五年上距至元二十一年爲時未久真定宣慰或尚未裁省又哈珊神道碑謂哈珊季父諱問問嘗爲宣慰使此云宣慰相公孃子忽都的斤未知是其夫人否又有忽都魯孃子張氏攷忽都魯千戶翼名元史百官志樞密院所管虎賁親軍都指揮使司管領上都路元籍軍人兼奧魯事至元十六年立其屬有大忽都魯千戶翼正副達魯花赤各一員正副千戶各一員碑題忽都

魯是官是名不可攷矣妣氏書無梨氏題名中有女
善人梨澄惠梨澄喜梨澄德蓋卽黎字之借

元氏縣重修廟學記

碑高八尺五寸廣三尺二十一行行四十六字正
書篆額有陰大德五年十月立今在元氏縣學

重修廟學記

真定府元氏縣重修廟學記

中奉大夫征東行省叅知政事王思廉譯 承務郎
僉河北河南道肅政廉訪司事段孚書丹

資善大夫中書左丞前行荆湖北道宣慰使史杠篆
元氏有廟學稽之宋初圖志無傳其創於田君照鄰在
城西北陬爾後邑人承議郎鄭士宗殿直裴士廉因衆

人所願遷於巽方則見於元祐庚午知縣事曹景所述
金寶因之

天兵南來焚撤無餘己酉庚戌之交府祭酒張公德輝
教官王昱平天瑞鄉耆張誠輩雖作新之猶少變於曩
時迨乙卯邑丞董輔君彌縫其闕功始告備則翰林學
士李公治遺刻存焉蓋四十餘年於茲矣上雨旁風不
無摧圯大德庚子春襄□董君繼昇由平陰來令於此
視事之日肅謁祠下見而傷之即有營葺之心蓄而未
發也不半歲譁者靜悍者柔寬者有□告佺賦以平刑
罰以清剖析如不庭靡留事而邑以治乃謀舉茲役捐
月祿以為之倡

主簿耿仲祥尉王鼎□從

事畢翕然和之豪宗右姓從而助之經始於辛丑之春三月落成於其秋七月不動聲色頓還舊觀教諭燕山寶文政□文以謹歲月竊惟

聖天子嗣服之初

明詔天下聖帝明王載在祀典者廟宇損壞官為修理而郡縣之吏因卑習陋弗克奉行遂致向之歧翼矢棘翬飛鳥革者駸駸乎歛頽敗漫不顧省而君能欽承綸命興復完美聳居民瞻仰之敬贊

盛世彬蔚之風此一宜書也抑聞之君前莅平陰既嘗振飾墜廢俾免鞠為圉蔬之歎今又於此能事則君之為政知所□務有過人者此二宜書也遠而田鄭裴曹

近而張王平董咸列貞石昭示永久如君者獨使之湮
鬱不章可乎此三宜書也有三宜書而不為之揄揚令
將來勇於為義者無所激勸則秉筆之士不得不任其
責矣故不敢以淺陋辭若夫前代泊我

國朝崇儒重道之意與夫勉勵士子為學進德之方二
碑載之已詳可得而畧也君字鵬飛清慎明敏所至以
能官著稱○八月初言鹿泉王思廉謹記

昔大德五年歲辛丑冬十月初吉教諭竇文政立

石木○石匠

楊○胡貴左○張○

右碑王思廉誤段孚書丹史枉篆額思廉字仲常真
定獲鹿人歷官翰林學士承旨資善大大致仕延祐

七年卒贈河南河北等處行中書省右丞上護軍追封恒山郡公謚文恭事蹟具元史本傳傳載思廉大德元年遷中奉大夫翰林學士三年拜征東行省參知政事碑立於五年列銜正與史符段孚無攷史杠天澤子官湖廣行省右丞見元史史天澤傳又王磐中書右丞相史天澤神道碑載公子男八人第四子杠資德大夫湖廣行中書省右丞又元史謝端傳史杠宣慰荆南數加延禮薦之姚樞案姚樞是姚燧之誤有蘇天爵撰謝端神道案碑列銜中書左丞無行省字則當是都省碑可證左丞然攷之宰相年表並無杠名史傳及神道碑皆作湖廣行省右丞神道碑撰於至元十三年下距大

德五年有二十六年之久是時蓋已內遷都省史僅據王碑言之耳姚燧牧莽集侍衛親軍都指揮使李公神道碑云忠武史公中子今中書左丞闕闕江陵行荆湖北道宣慰使枉正與此碑列銜合夏文彥圖繪寶鑑史枉號橘齋道州人官左丞又朱謀璣畫史會要史枉字柔明號橘齋道人官至行省左丞案湖南石鼓山有史枉題名云元貞元年秋八月自榔桂戍軍迴眞定史枉書又有史燾題名云大德十年冬十月二十一日橘齋氏史燾拜觀舊題燾謹書考史天澤兄弟之後皆以金木水火土偏旁字命名其子輩從木孫輩從火則史燾當是史枉之子畫史會要

等書稱史杠號橋齋據題名橋齋乃燾之號非杠也
至於圖繪寶鑑之以杠爲道州人者旣誤以橋齋爲
杠又因燾自號橋齋道人辨之不審道下妄增州字
更誤

碑陰

八列行數字
數不等正書

叶贊

承事郎元氏縣達魯火赤阿剌渾 承事郎元氏縣
尹董繼昇 將仕佐郎元氏縣主簿耿仲祥 元氏
縣尉王鼎

稅使司

提領蘆士宗 大使霍仲淵 副使高義

典史

李徽 胡璋

司吏

李敬祖 李德明 刘源 封祐 張彥昇 安仲

溫

書狀

張忠信 劉郁

貼書

武完節 孟忠信 成國傑 李珪 王從善 岳

興祖 張文膺 張可令 張文備 徐文珪 劉

昱 董惟庸 裴熙德

鄉司張思義 楊從翊 崔洪 趙良輔 劉安礼

常彦祥

前司口王鐸

右第
一列

役仕郎前荆湖北道招討司經歷杜璋 承務郎前

戶部司計趙責 進義副尉前浙東道諸色人匠提

舉李瑞 役仕郎隆平縣尹孟志 將仕佐郎永豐

縣主簿蘇恒 將仕佐郎前元氏縣主簿宋好礼

前元氏縣尉趙口 前元氏縣尉愛林 前南宮縣

尉禿哥帖木兒 真定路儒學教授李企 前衡州

萬戶府知事李良輔 元氏縣儒學教諭王知微
前大司農司令史趙完璧 汴梁行省掾賈璘 前
元氏縣稅務提領賈德懋

宿儒

張彬 郭珪 李玩復 高立安 張彰 王佐
賀宗儒

鄉貢進士

郝玉 王楚材 平擇 陳徇礼 杜觀國 李慎
言 賀宗昇

醫學

前教諭蘇善政 教諭于恕 太醫何良 醫人楊

元孚 董寬 趙仲傑 劉國昭 陰陽教諭張柔
克 前司吏董著 朱恕 賈道 商稅務攢司平
德恒

在城耆老

題名不錄

右碑陰題名有云承事郎元氏縣達魯火赤阿刺渾
元氏世祖本紀至元二十年五月戊寅監察御史阿
刺渾坐擅免贓錢不糾私釀等罪罷案元時蒙古色
目人同名者甚多當別是一人又有稅務司提領大
使副使各一人案百官志諸路總管府有稅務提領
一員大使副使各一員而不詳各府州縣稅務官之

制選舉志銓法凡稅務官陞轉至元二十一年省議
應敘辦課官分三等百錠之上設提領一員使一員
五十錠之下設都監一員十錠以下從各路差人管
辦據此知元氏稅務在百錠之上故有提領副使之
設也又有貼書十三人元制省臺掾令史每名設貼
書二人選舉志各路府州獄典遇闕於廉訪司寫發
人及各路通曉刑名貼書內參補由此推之知縣司
吏下亦當置貼書此卽是已又有真定儒學教授李
企卽至元十九年元氏縣重修廟學記篆額之人永
豐縣主簿蘇恒元氏縣儒學教諭王知微見重修廟
學記碑陰前荆湖北道招討司經歷杜璋隆平縣尹

孟志列銜散官皆爲從仕郎案百官志有從事郎無
從仕郎元典章文武資品則作仕不作事正與碑合
且他碑亦皆作從仕郎元史作事蓋傳寫之誤又百
官志招討司惟土蕃等十一處置荆湖北道有宣慰
使司而無招討司元史本紀亦不載其廢置蓋史之
略也又有前戶部司計一人百官志戶部有司計官
四人世祖本紀至元二十八年五月癸丑增置戶部
司計工部司程正七品是也前浙東道諸色人匠提
舉一人百官志無浙東道諸色人匠提舉司其廢置
無攷此後題名有宿儒七人鄉貢進士玩復卽李冶
子見至元十九年元氏重修廟學記張彬等六人見

重修廟學記碑陰皆元氏鄉貢進士也賀宗彝當是
宗儒兄弟陳徇禮見大德元年元氏縣重修神應王
廟記碑卽徇禮所書李慎言李治曾孫見袁桷封龍
書院重修記有醫學教諭二人陰陽教諭一人商稅
務攢司一人選舉志世祖至元二十八年夏六月始
置諸路陰陽學其在腹裏江南若有通曉陰陽之人
各路官司詳加取勘依儒學醫學之例每路設教授
以誨之路設教授則縣設教諭可知又元制倉庫稅
務站赤皆設攢典碑之攢司當卽攢典又在城耆老
五十七人招撫二人坊正三人里正八人尉司節級
四人弓手十一人稅務都攔四人節級當是縣尉兵

役之類宋制各州鎮兵指揮長行下有節級此疑沿其制元史兵志郡邑設弓手以防盜內而京師有南北兩城兵馬司外而諸路府所轄州縣設縣尉司巡檢司捕盜所皆置巡軍弓手而其數多寡不同又世祖中統五年隨州府驛路設置巡馬及馬步弓手驗民戶多寡定立額數末一行書灑掃吳誠蓋廟學中所設之灑掃戶也在城者老以下諸人無所表見概置不錄

祁林院聖旨碑

碑高七尺廣二尺八寸二十八行行五十四字額題皇帝聖旨碑皇太后懿旨皇后懿旨帝師法旨十八字並正書大德六年二月初八日立今在靈壽縣西北祁林院中

長生天氣力裏

大福應護助裏

皇帝聖旨管軍的官人每根底軍人每根底城子裏達
魯花赤官人每根底來往行的使臣每根底 宣諭的

聖旨

御寶

成吉思皇帝月古歹皇帝薛禪皇帝聖旨裏和尚每也
里可溫先生每不揀那裏係官差發休交出者只交拜
天祈福祝壽者麼道五臺山裏有大壽國寺裏花嚴
順吉祥為頭兒和尚執把行的 聖旨與來這的每寺
院裏房舍裏使臣休安下者鋪馬祇應休與者倉糧商
稅休與者大壽國寺但屬他每的大明川寨頭村裏有

的祈林院三尊佛為頭兒的下院田地水例菌林碾磨
店舍鋪席浴室解典庫他每的不揀甚麼呵遮麼是誰
休倚氣力奪要者麼道這和尚每倚着 聖旨麼道沒
躰例勾當休做做呵他每不怕那甚麼

聖旨俺的

狗兒大德壹年

御寶

春二月二十七日大都

有的時分寫來

長生天氣力裏

皇帝福廕裏

皇太后懿旨軍官每根底軍人每根底城子裏達魯花
赤官人每根底過往使臣根底衆百姓每根底 宣諭
的懿旨

皇帝聖旨裏和尚也里可溫先生不揀甚麼差發休着

者告 天祝壽有道來 聖旨斡例裏不揀甚麼差發
休着者告 天祝壽有麼道五臺山裏有的大壽圍寺
裏住持的花嚴順吉祥執把行的懿旨占了也這的每
寺院裏房舍裏使臣休安下者鋪馬祇應休拿者稅糧
休與者但屬壽圍寺的大明川有的三尊佛祈林院為
頭兒下院田地水土園林碾磨店舍鋪席浴室解典庫
不揀甚麼物件他每的休奪要者這的每更有 懿旨
麼道無斡例勾當休做者做呵他每更不怕那甚麼
懿旨俺的 狗兒大德壹年寶春二月二十九日大都
有的時分寫來

天地的氣力裏 皇帝福底裏

皇后懿旨裏管軍的官人每根底軍人每根底城子裏
達魯花赤官人每根底來往行的使臣每根底衆百姓
根底 宣諭的懿旨

聖旨裏 和尚每也里可溫先生每不揀甚麼那裏係
官差發休着者只交拜 天祈福祝壽者麼道這的每
如今依着 聖旨躰例裏不揀甚麼係官差發休交出
者麼道只交拜 天祈福祝壽者麼道五臺山裏有的
大壽國寺華嚴順吉祥寺主□吉祥為頭兒的和尚每
執把行的 懿旨與來這的每寺子裏房子裏使臣休
安下者鋪馬祇應休要者倉糧商稅休与者但□□國
寺家的下院真定路大明川寨頭村裏有的三尊佛祁

林院為頭兒下院各路裏有的但屬壽國寺家的下院
田地水例菌林碾磨店舍鋪席解典庫浴室揀那甚麼
不揀阿誰休倚氣力奪要者這的倚着 懿旨麼道沒
躰例勾當休做者做呵他每更不怕那甚麼

懿旨俺的 牛兒大德五年 寶春三月十四日叩列有
的時分寫來

皇帝聖旨裏 吃刺厮巴斡節兒帝師法旨叩軍官軍
人斷事官使臣每僧官每本處官人根底怯列麻赤取
欵過往衆百姓根底 曉諭

上位與的 聖旨躰例裏五臺山有的大壽國寺住持
的華嚴順吉祥為頭兒衆和尚庶告 天依躰例坐地

這的每寺院房子裏差發飲食鋪馬商稅休要者但屬
壽寧寺的下院大明川寨頭村祁林院三尊佛為頭兒
下院水土園林碾磨等物但屬他每的休奪要者休倚
氣力□要交他每的僧人安穩坐地者麼道執把的法
旨與來見了 法旨無幹例做呵俺不問那甚麼這的
每有

法旨呵不依幹例勾當依做 牛兒大德五年四月二
十八日五臺山寫來 虎兒大德六年二月初八日住
持華嚴僧立石

右碑前書狗兒大德壹年二月皇帝聖旨次狗兒大
德壹年二月皇太后懿旨次牛兒大德五年三月皇

后懿旨末刻牛兒大德五年帝師法旨虎兒大德六年二月初八日住持華嚴僧立石旨皆國語元時令式如此元文類經世大典序錄帝制序云國朝以國語訓勅者曰聖旨史臣代言者曰詔書是也成吉思太祖尊號月古歹史作窩濶台太宗名薛禪世祖尊號也里可溫或作也里克溫經世大典序錄謂也里可溫爲海外諸番元史百官志崇福司秩二品掌領馬兒哈昔列班也里可溫十字寺祭享等事至元二十六年置延祐二年改爲院置領完事一員省併天下也里可溫掌教司七十二所悉以其事歸之七年復爲司世祖本紀至元九年勅僧道也里克溫有家

室不持戒律者占籍爲民又十九年十月勅河西僧
道也里克溫有妻室者同民納稅花嚴願吉祥卽立
石之住持華嚴皇太后卽徽仁裕聖皇后攷成宗本
紀元貞元年四月皇太后建五臺山佛寺成皇太后
將親往祈祝監察御史李元禮上封事止之此碑太
后懿旨以大德元年二月二十九日降正皇太后臨
幸五臺之前一月也聖旨及太后懿旨皆云大都有
的時分寫來惟皇后懿旨稱叩列有的時分寫來攷
成宗本紀大德五年二月丁酉車駕幸上都此旨下
於三月十四日其時成宗當在上都元制帝幸上都
皇后多從元史成宗卜魯罕皇后傳省院臺臣奏上

尊號帝不允車駕幸上都后方自奏請是也叩列疑
上都路地名旨卽其地所發皇后卽卜魯罕皇后伯
岳吾氏元貞初立爲皇后大德三年十月授冊寶事
蹟具本傳吃刺斯巴斡節兒卽乞刺斯入斡節兒元
史釋老傳至元三十一年帝師亦攝思連眞卒乞刺
斯入斡節兒嗣成宗特造寶玉五方佛冠賜之元貞
元年又更賜雙龍盤紐白玉印文曰大元帝師統領
諸國僧尼中興釋教之印大德七年卒又傳謂帝師
之命與詔勅並行於西土今以予所見元諸佛寺聖
旨碑大約多有帝師法旨並刻于上据此則所謂帝
師之命與詔勅並行者又不僅西土爲然矣又聖旨

內第三行宣諭的聖旨下及大德壹年下皆有御寶
二字懿旨紀年下有寶字蓋其用寶處也帝師之印
則鈐于法旨第一行帝師法旨下有印字可證志此
可知元代聖旨法旨用寶鈐印之式

橫山重修聖母祠記

碑高二尺七寸七分廣一尺七寸五分十六行行二
十字正書篆額大德八年十月十七日立今在獲鹿
縣南橫山上

橫山聖母祠記

鹿泉橫山重建聖母祠記

中奉大夫征東行中書省叅知政事王思廉撰并書
集賢大學士正奉大夫王國篆

祠舊雜民居屋宇摧圯神嘗見夢里人封時中知其惡
器湫而樂夾壇也乃徙之絕頂經始於大德辛卯春訖
功於是年夏五月像設繪事粲然一新旁近村落有禱
輒應時聞雲車風馬之聲衆庶畏信香火不絕時中欲
錢石以謹歲月乞文於余既述其本末復□以詩其辭
曰太行元氣□此形勢不在高貴有靈懿哉

睢母茲殿庭內外賁飾輝丹青簷桷歸雲桶挂星下瞰
濁世紛糴腥神之來予鞭雷霆千巖烟雨昏冥冥神之
□予風泠泠霓旌絳節擁輜軒春祈秋報遵禮經犧牲
博碩黍稷馨一方獲佑神使令消弭疫癘驅蝗螟百室
盈止婦子罔神化仰咨無替零自今以始終千齡歲甲

辰冬十月十有七日謹記

右記王思廉撰并書王圃篆額記有經始於大德辛卯訖功於是年夏五月之語考大德中無辛卯辛卯係世祖至元二十八年此疑癸卯之誤甲辰是大德八年癸卯卽立碑之前一年也獲鹿縣志橫山在縣南十二里上有神母祠明人橫山村重修李母祠記云邑南十五里爲橫山其絕頂有李母祠相傳漢嘉平時縣蔓鄉人祠舊在山麓元大德間始遷於是思廉列銜與大德五年重修廟學記同攷元史本傳大德八年召爲集賢學士是思廉作記之時已召爲集賢列銜不當仍用征東行省參政然石本立于當時

必無舛錯案大德十年井陘縣遷修文廟記思廉列
銜正爲集賢學士與此碑不同則思廉之爲集賢尚
在八年以後史傳誤爾王國父名守道元史守道傳
云守道字仲履真定平山人累官真定等路萬戶府
參謀至元七年卒至大元年以子國貴特贈銀青榮
祿大夫大司徒追封壽國公諡忠惠仁宗卽位復加
推忠協力秉義功臣金紫光祿大夫大司徒上柱國
又元文類姚燧李平章畫像序有云李道復日侍講
讀嘗召畫工肖其形賜號秋谷命集賢大學士王國
大書之手刻爲扁而署其上當卽此人

井陘縣遷修文廟記

碑高五尺廣二尺五寸二十一行行四十四字正書
額失拓有陰大德十年三月六日立今在井陘縣學
井陘縣遷修文廟記

真國路孟州鄉貢進士劉源 撰

集賢學士中奉大夫王思廉題額 從仕郎太常寺
奉禮郎王銍書丹

蓋聞天下得其常祀者鮮矣惟吾

夫子祖述堯舜憲章文武修五帝之教彛倫攸叙研群
經之奧庶事惟明故得京府州縣皆有廟雖陞之葺爾
豈敢廢其常祀乎昔域之坎有大成殿白金天會以來
再經繕完碑石具在其奈干戈板蕩季禩綿遠不無摧
圯

大元龍興朔方開延道德廣游學之路使賢者在位能者在職大德甲辰澠水張璘來尹是邑下車之始涓日恭謁顧瞻廟兒見柱礎欹傾兩廡俱廢前不足彰獻奠之禮儀故基在後高明爽塏翳於荆棘盡然有感至乙巳冬朔祭畢會寮屬與諸生耆老言曰神靈所居恒令清潔乃可今疎漏汙穢乃爾予將遷修汝等願為乎或對曰欽崇

命祀莫大於此寔為政之本况值農隙尤其時也於是長官與寮屬等同心協力俾各村社長就領役夫平治遺址工師匠手選材木棟梁塼甃之用令前威州吏趙文督視寒暑不輟人樂其為忘其勞徙正位於上荆建

東西兩廡於下制度合禮不侈不陋

先聖居中

先師侍坐十哲次之繪七十子洎歷代名儒於兩廡之間栽植楸柏桃杏於庭中其有不足者悉補之諸生忻然相告曰賢哉官長之用心也宣揚聖教宏闡儒風乃今日之恩光也况署事迄今時和歲稔地閭民康五事備百里陶鄉民誦其功樂其德不勒之金石誠為闕典由是趙文馬諸生杜長等詣源求文源蒙諸君德庇無以為謝輒不自揆姑謹其歲月而系之以詩其辭曰
大哉將聖 綱紀文章 規模萬古 師範百王 芝
禮興樂 應聘諸方 用之則行 舍之則藏 濟
明府 一新斯堂 春秋致享 品物馨香 秩滿而

去 殊擢巖廊 民思遺愛 何日而忘 刻銘琬園

愈久弥芳

大德十年龍集丙午春三月上旬六日丙子建

進義副尉井陘縣達魯花赤兼管本縣諸軍奧魯勸
農事別都魯丁 主簿兼尉楊珪

從仕郎井陘縣尹兼管本縣諸軍奧魯勸農事張璘

縣尉暗都刺 典史楊允恭

儒學教諭何汝士 司吏范職高慧張瑞 貼書高

玘王立英魏毅王恕邢朝英王彬韓亨胡璉徐恭

石工提領 缺

右碑劉源撰王鉅書丹王思廉題額源鉅皆無攷元

史世祖本紀至元十年二月劉源使緬國論遣子弟
近臣來朝又成宗紀大德十一年閏正月甲午以劉
源參知政事後陞左右丞又孝友傳有孝子劉源歸
德中牟人皆與此無涉思廉列銜爲集賢學士說已
見聖母祠記跋尾

碑陰

二十八行行
字不等正書

遷修文廟添助官負耆老人等

前井陘縣主簿兼尉燕真不花 也可扎魯花赤令史

李良弼 進義副尉平陽路解縣主簿耿元亨 將仕

佐郎安西路口陽縣主簿兼尉高榮祖

進義副尉前全州路淮陽縣達魯花赤張懷篤 廣平
路肥鄉縣尉耿元貞 登仕佐郎前武安縣主簿曹瑞
教武校尉前管軍總把李杜古歹

保義校尉管軍上百戶耿軍兒 管軍上百戶肖李家
奴 威州人匠局達魯花赤許禿滿答兒 站赤提領

高用 李守道 司吏郝天祐 百戶王慶 李百

稅務大使王賢 副使張琪 攢司常忠 祇應倉頭

目趙克信 米益 李興 前縣吏范師顏 蘭榮顯

張敬 李文 任椿 趙良弼 各君敬 各彬

魏彥

坊開耆老等題名不錄

右碑陰官吏題名其列銜有云也可札魯花赤令史者元史札魯花赤或作札魯忽赤札魯火赤譯言斷事官也蒙古語大爲也可百官志有也可札魯花赤也可者第一之義令史卽其掾屬有云平陽路解縣主簿者元史地理志河東山西普圍路元初爲平陽路大德九年以地震改晉圍路所屬有解州領縣六二曰解縣碑立於大德十年列銜猶稱平陽路當是地震前曾官其地故仍書故名耳有云安西路口陽縣主簿兼尉者地理志奉元路上元中統三年立陝西四川行省治京兆至元十六年改京兆爲安西總管府皇慶元年改安西爲奉元路領縣十一州五有

咸陽涇陽俱下縣元制下縣民少事簡則以簿兼尉
高榮祖列銜爲主簿兼尉知是下縣無疑但陽上字
磨滅爲咸爲涇不可辨矣有云站亦提領司吏百戶
者元史兵志站赤者驛傳之名其官有驛令有提領
皆總之於通政院及中書兵部元文類經世大典序
錄驛傳之在漢地者兵部領之在北地者涖以通政
院兵志世祖二十八年六月隨處設站官二員大都
至上都置司吏三名餘二名祇應頭目攢典各一名
站戶及百者設百戶一名至大四年八月又詔腹裏
路分衝要水陸站亦設提領二員司吏二名其餘閒
慢驛分設提領一員司吏一名如無驛令量擬提領

二名每一百戶設百戶一名碑有提領二人正與志合有云攢司祇應倉頭目者元制倉庫及站赤皆置攢典攢司卽攢典又元制各站赤皆置祇應頭目諸倉庫及稅務不聞有是史或因其微而略之歟有云南峪陰陽管勾者元史百官志諸路總管府有陰陽教授一員無陰陽管勾之名蓋志之略也碑末行有灑掃戶黃德名攷元史成宗本紀大德七年給大都文宣王廟灑掃戶九年給曲阜林廟灑掃戶而郡縣廟學之有灑掃戶史所不載

開化寺重修常住佛殿記

碑高九尺二寸廣三尺五寸二十五行行五十三字正書篆額大德十年十二月乙巳日立今在元氏縣

城內西南
開化寺

重修開化寺記

大元真定路元氏縣開化寺重修常住七間佛殿記

槐川賀宗儒撰 恒山趙淑能書 元氏縣尉張瓚

篆額

竺典有云 釋迦既成證覺普告弟子捨願方便以慈
悲大愍喜捨國濟庶幾利物利生成功成德咸獲修證
可謂能仁矣苟非善根宿種苦行積修誓念弥堅願力
不退者其孰能與於此乎矧乃祇園息跡金刹久虛鴻
臚勝芳蓮宇浸廣充奉不常消長非一雖成佳壤空理
明因於劫代而廢興沿革道實在於人國苟非維持沙

門主張法教愍濟一心方便不二者其孰能與於此乎
粵有

元氏縣開化寺者亦鴻臚之遺囑也考諸前識蓋興于
隋唐而盛于宋金遂甲諸寺非他邑所及地占西南之
勝廣袤千步而區分十一焉祖剎雄據昭然梵宮宗派
之院左右森列悉皆藍若前有大殿不減紫宸中□□
殿規模相稱適值兵荒弗容大備堂厨廐庫焚蕩無遺
靈光僅存不勝殘毀矣

聖朝隆興寔致太平居者宴然恬不加省其奈雨剝風
摧雀鼠穿齧歲月益深頽弊益甚往來增歎一日寺僧
都綱堅公啓其賢公讓公定公等載惟成壞不覺盡然

始同悲愍之心終符捨濟之願遂欣然相與罄資銳意而為之雖宿德老師稚齒童行不待約束如出自然由是檀施輸財農工助役更其腐敗易以堅完革其卑陋新以園敞如鼓斯翼如翬斯飛既嚴殿宇以偉世尊復修常住以宏海衆構修廊廡數十餘楹是故潔齋有厨講法有堂滌垢有室定慧有房以至藍神有棲社友有憩礎礪廐庫各得其所藥欄蔬圃星分碁布廼繚其垣廼甬其道廼棲其門花竹對蒔松柏交映境界既殊而囂塵自遠殆可以無遺憾矣究其始末經營于旃蒙之協治收功于柔兆之敦牂歲星甫周而能事已畢出淨土之莊嚴示塵寰之幾率金碧晃耀像設爭雄一

日落成四衆雲會歡喜讚歎以謂希有時 主簿蘇公
即中趙公踵門而告余曰嘗聞此寺自亡金 鄭公續
建以來勝緣缺望訖于今日歷年踰百歷月踰千主寺
之師非一僧執事之僧非一人往往因循莫為用心苟
非堅賢諸公煥然一新 佛殿至于顛仆矣適有檀施
鄭公之後已伐堅珉將紀歲月不可無述以示懲勸
余因謂曰 佛之所謂慈悲方便者亦不外乎仁義而
已矣非拱默退避而能然也其必也當仁不讓見義有
勇乃能之也茲□也茲殿也昔也廢而今也興昔也壞
而今也成顧不在人為與不為其能其不能歟由是明
之故知世間事無難易興于有為廢于無為□無大小

成于其能敗于其不能者多矣豈惟僧寺 佛殿哉天下國家莫不然也鄉使諸公初不祝髮或効一官或攝衆職盡忠竭誠一如主寺其家有不齊國有不治者乎惜乎得于此而失于彼功事德業獨止于是可勝歎哉雖然而然成住壞空 佛所不諱人事之廢不必致論倘使後來之僧主此寺者悲愍捨濟皆如公等一遵佛旨豈惟不墜能仁之教是知此寺常成而不壞常住而不空矣夫豈有不勸者乎二公喜曰子可書之以詔來者不但以為寺僧之誠庶幾主家主國者亦為規鑒云固不得辭于是乎書

大德十年歲次丙午辛丑十二月乙巳日建 提點

講主普寶 寺主講主惠詮 立石 直歲志妙典

座惠月典座元敬

重修七間殿見住持堂長都綱襲五大部經沙門福
堅 錢帛普凝 官門講主惠文 院門副寺善心
知客志園監庫志佳 殿主志忠 副庫元瑞

都功德主美亭路平定州樂平縣仙遊鄉民安提控

鄭福朱 堂長德賢 堂長長老文讓 堂長智定

曲陽石匠楊伯榮 商浩
槐陽石匠胡贊昌 徐用 刊

將仕郎利用監知事趙璧 將仕郎前吉州路永豐

縣主簿蘇恒 忠翊校尉前東平須城縣尹兼管諸

軍粵魯勸農事王進

本縣堡匠張英弟張榮
楊陽木匠王克溫子王師魯

右碑賀宗儒撰趙淑能書張璿篆額宗儒見至元十
九年元氏重修廟學記碑陰淑能璿無攷記載寺自
亡金鄭公績建以來迄今歷年踰百又云適有檀施
鄭公之後已伐堅珉將紀歲月所云鄭公之後卽記
後題名之都功德主鄭福榮又記中有主簿蘇公卽
記後題名之蘇恒見至元十九年大德五年重修廟
學記兩碑陰所云郎中趙公未知何名題名中但有
利用監知事趙壁決非一人百官志利用監秩正三
品掌出納皮貨衣物之事至元十年置二十年罷二
十六年復置大德十一年改爲院至大四年復爲監
有知事一員

碑陰

額題重修七間殿記六字陽文題名分兩截上截碑
端中間橫列常住位三字下題名三列右方左方各
五列下截八列每列行
數字數不等並正書

僧俗人名不錄

右碑陰僧衆題名凡爲院者十右曰釋迦院觀音院
慈氏院百法院羅漢院左曰唯識院下生院藥師院
十王院上生院卽金大安三年羅漢院重修前殿記
所謂前列兩廊殊分十院也下列題重修七間殿都
功德主鄭福榮夫婦名蓋卽碑陽題名之鄭福榮餘
皆鄉曲小民無可攷證故概不錄

王慶端神道碑銘

碑高一丈一尺五寸廣四尺八寸五分三十七行行七十五字正書篆額大德十年七月二十二日立今在崇城縣

故榮祿大夫平章政事王公神道碑銘

故榮祿大夫平章政事王公神道碑銘

翰林學士承旨正奉大夫知制誥兼修國史

國復撰

翰林侍講學士中大夫知制誥同修國史劉賡

書并篆額

裕宗文惠明孝皇帝居東宮博訪英賢以備宮僚左右

元良文學行義皆天下之選其在衛官府率德

望兼隆忠勤素著惟榮祿公為稱首公諱慶端字正甫

姓王氏世為真定藁城人顯考金吾衛上將軍右副都
元帥勲德具見神道碑銘公早孤能自樹立諸兄已襲
世爵公被府檄司筦庫非所樂也尋署水軍提領北方
有警

詔宰相馳驛和林以督餽餉水軍長一人從行冰雪萬
里行者憚之公毅然請往事不避難己見筮仕之初中
統三年敗齊寇於老鴿口以功拜千夫長佩金符至元
八年城大都板幹方新數為霖雨所墮或議輦石運甃
為固公言

車駕巡幸兩都歲以為常且聖人有金城奚事勞民重
興大役遂獻輦城之策
詔用公言所省鉅萬計

議加遷官辭焉第引督役者至千夫長

詔嘉庶

讓賜白金六鎰

王師渡江之歲淮安未下師駐新城遣將分戍清口公為之副城中卒不滿數百老疾居半宋人偵知載攻具為必取之計眾寡不敵主將死難寇燬門將入公樹柵以禦之撫劍誓眾曰丈夫捐軀報國此其時矣士皆感激人百其勇先以弱卒列幟城上擊銅為鉦響震原野咸言援兵至躬率銳卒踰柵禦敵時公丁腫在臂自拔佩刀以毒裹創力戰敵眾敗岨淮水為赤繼而連河浮雲羣盜蜂起公復擊走之屢中流矢不卹也以功加武節將軍十四年扈從

世祖北征凱旋拜右衛親軍副都指揮使十六年進侍衛軍都指揮使肇建威武營都城之南先是衛兵至京師僑寓民間靡有定居公相近郊隙地起廬舍畫井邑規為屯田俾安耕鑿謂訓練不可不時為閱武之堂曰整暇長技不可不習為躡張之翼曰神鋒兵甲不可不堅壽為函矢之局曰犀利資食有倉以足軍儲康濟有局以備醫疾浚渠通漕以來商賈僦屋取直以佐兵須公廨列肆偏裨部曲諸衛莫不取法軍士歲上番其至如歸初是役之興衆頗憚勞公不以為疑迄今人賴其利十九年置詹事院以本職兼詹事丞威武歲入豐羨屯峙山積司民政者欲假粟數萬以佐經費事達

裕皇有旨問公公曰兵民一也固有彼此之間即日付之
王音勞公真宰相器也二十三年冬大會藩
鎮諸王公典禁衛一夕

世祖遣近侍覘警夜者為公邏卒所邀近侍告以有
旨曰吾屬知有王將軍令孰知其他近侍還報賜
禦寒烏貂以旌之二十四年

世祖伐叛東方以公宿將練兵特 敕將所部以

從是時年踰六十遇敵則被堅執銳摧鋒陷陣

駐蹕則環車為壘以備非常東寇既除 大駕狩

北邊有 旨命公將衛兵而南公引臣子之義復

從北征卒與大軍俱還是行也料敵制勝參與機務贊

畫之方居多

東宮自鶴駟上賓總率衛兵膺股肱心膂之託在濬將
中唯公一人

聖上御極之初諸王宗室畢會上都公外總諸帥親謁
禁籞內進言

裕聖皇太后謂神器不可久虛宜促定大策以慰天下
之望既而收 東宮為 隆福宮詹事院為

徽政院拜金吾衛上將軍中書右丞行徽政副使兼

隆福宮左都威衛使元貞改元進秩資德大夫大

德二年加榮祿大夫平章政事兼書樞密院事仍兼徽
政副使左都威衛使嘗以疾在告

皇太后亟遣醫往治曰活此老所以活蒼生也公即引
年謝事寢疾於林

上遣中使諭旨王指揮篤實人也宣力既久家無餘財
其錫寶券三萬緡為藥餌之資俟其良愈別降

恩旨公竟不起易箦之際戒其子桓曰子荷 國

恩忝列台司年登八秩宜無所憾第恨不獲效死邊陲
歿於闕下汝當勉輸忠力無忝爾祖則吾目瞑矣言終
而逝寔八年十一月二十六日也公平生事上忠莅官
敬總戎有律而以仁信將之出入行陣與同甘苦威武
之建也請於 東宮俾尚醫一人主藥醫士卒有

疾如視子弟更相謂曰吾屬處鄉間守父兄不如是之

至也或至物故則歸骨於家北伐之日卒長偶遺一幣
嚴加督責必獲而後已營事有外府稱貸取息無度公
憫其然謀於同列為立信稱之法宋氏之凶有葭葦之
屬以事拘京城久不獲免公濟以衣食

奏請歸

之其廣

聖朝一視之仁類此至元末姦臣未卽天誅人皆側目
公介然未嘗阿意取容特以丹誠衛

社結

累聖之知若尚方玉杖寶筵珠衣玉帶賞賚優渥諸將
莫與為比公素純儉雖位使相自奉泊如也所居僅庇
寒暑服御不事華飾至於賓筵禮士賙濟困乏資給宗
族婚葬則弗計家之有無其立朝行已大節雖服儒服

範經訓者有不逮焉嗚呼賢哉夫人劉氏李氏齊氏孟氏燕氏也速真氏子桓李出也廣威將軍襲爵萬夫長同僉徽政院事佩三珠金虎符娶劉氏二女長適承事郎管領諸路民匠副都總管趙瑜次適萬戶解世隆佩金虎符男孫一女孫三皆尚幼廣威君卜以九年正月十有四日舉公之輅大葬橐城先塋之左持樞密院判官張浹所書行狀謁文以識幽隧復企公盛德有弄又感廣威君能盡子職義不可辭乃為叙而銘之銘曰

太茂維嶽 儲精降神 篤生王公 智勇邁倫 禦

寇淮壖 國爾忘身 胡衛 天戈 載策殊勲

肅事

儲閣 威武有屯 將令申嚴 櫟栗早殷 金華之
威 寔濟以仁 運贊 重光 聿效忠勤 克
壯其猷 尊主庇民 趙充國之金城 周亞夫
之細柳 令軍 馬文淵之志死邊陲 張萬福之不阿
佞臣 茲數公者合而為一人 稟城之阡 馬璘有
墳 表貞珉以隸德 諒無愧於斯文

大德十年七月二十二日男廣威將軍同僉徵政院
事左都威衛使恒立石

右神道碑銘即復撰劉府書并篆額男恒立石攷李
治所撰王善神道碑善子二十一人惟慶端官最顯
故元史爲之立傳傳文即本此碑刪節而成闕復以

薦哈刺哈孫爲右丞相得拜翰林學士承旨在大德
四年本傳有靖軒集五十卷明焦竑國史經籍志已
不著錄知其集久佚元文類載復文十餘篇亦無此
碑劉府傳府字熙載洛水人至元十三年用薦授國
史院編修官大德二年陞翰林直學士六年由侍講
學士陞學士碑云中統三年敗齊寇於老鴿口以功
拜千夫長佩金符齊寇指李璫老鴿口本傳作老僧
口誤阿刺罕傳中統三年李璫叛濟南大軍討之阿
刺罕與璫戰於老鴿口敗之是也餘俱見本傳而其
文加詳威武營閱武之堂曰整暇蹶張之翼曰神鋒
函矢之局曰犀利云云皆可補史志之缺夫人五人

惟劉氏李氏見王桓所刊世系圖俱封冀國夫人燕氏也速真當係蒙古人部族無攷趙瑜解世隆已見李氏夫人墓志張浹字子惠樂城人官至樞密同僉大德五年樂城縣重修廟學記及至大二年學田記至大三年菩衆寺碑皆其所書

壽國忠貞公董文忠墓碑

碑高五尺四寸廣二尺四寸五分二行行七字題名一行十四字並隸書無年月今在樂城縣西北南董村墓上

有元贈大司徒壽國忠貞董公之墓

嘉議大夫太子右諭德□□蕭鮮書

右碑蕭鮮書攷元史樂城董氏謚忠貞者惟董文忠

文忠字彥誠俊第八子官至典瑞卿資德大夫僉書
樞密院事至元十八年冬十月卒後制贈光祿大夫
大司徒封壽國公謚忠貞事蹟見元史本傳及元文
類姚燧僉樞密院事董公神道碑今墓在豪城縣西
北二十五里南董村姚碑未見拓本案歐陽玄撰清
獻公董士珍神道碑云考初贈光祿大夫大司徒壽
國公謚忠貞後進贈體仁保德佐運功臣太師開府
儀同三司上柱國追封趙國公謚正獻史蓋遺其進
贈改謚事姚燧撰文忠神道碑云公薨後廿有一年
當大德辛丑天子言念其功贈光祿大夫大司徒封
壽國公謚忠貞又元明善豪城董氏家傳云文忠大

德五年贈光祿大夫大司徒封壽國公謚忠貞大德
辛丑正大德四年碑係此次贈官贈謚後所立蕭顯
字維斗其先北海人父仕秦中遂爲奉元人累授集
賢直學士國子司業改集賢侍講學士皆不赴大德
十一年拜太子右諭德俄除集賢學士國子祭酒辭
歸卒年七十八賜謚貞敏事蹟具元史儒學傳此碑
不著立石年月料列銜爲嘉議大夫太子右諭德無
集賢學士等銜知此碑當是大德十一年入覲時所
書

常山真石志卷十七

常山貞石志卷十八

諸授朝議大夫直隸正定府知府今調廣平府知府前署大順廣平府備道沈濤謨

元四

樂城縣學田記

碑高三尺五寸廣二尺十五行行十九字額題學田
之記四字並正書至大二年七月十五日立今在樂
城縣學

樂城縣學田識

中憲大夫同僉樞密院事張泮書丹

保義校尉樂城縣主簿梅濟題額

樂學無田其來也尚教官蒞職但食諸生束修之奉而
已號寒啼飢蓋有所未免故往往不能滿秩縣豪傑僉

樞張浚子惠洎弟澄三原宰郭貞正鄉首割已業以畀
之富室董格杜端洎弟秉彝耿鳳見義勇為從而附益
又以錢五百緡具祭器僉樞公復施諸書壹萬卷於是
講授之席不虛而釋奠之儀克舉闔境化之文風於變
駸駸乎齊魯之鄉矣主簿梅濟濟川將勒琬琰昭示悠
久特命教諭劉澥以文為請予嘉諸君之用心与它人
異樂為之書而不辭若夫田之頃畝則詳載之陰茲可
得而畧云至大己酉歲秋七月望翰林學士正奉大夫
征東行中書省叅知政事王思廉識

右碑王思廉撰張浚書丹梅濟題額濟字濟川見碑
文內據記有田之頃畝詳載之陰知此碑尚有碑陰

失拓思廉列銜爲正奉大夫征東行省參知政事案
本傳大德三年起爲工部尚書拜征東行省參知政
事七年總管大名路八年召爲集賢學士十一年授
正奉大夫太子賓客仁宗卽位以翰林學士承旨資
善大夫致仕不載其再任征東行省參政蓋史之略
也

樂城縣重修善衆寺碑

碑高五尺六寸廣二尺六寸十五行行四十三字
正書篆額至大三年五月立今在樂城縣東北本寺
眞定府樂城縣重修善衆寺碑

眞定府樂城縣重修善衆寺碑銘

翰林侍讀學士中順大夫知制誥同修國史王

之綱議

中憲大夫同僉樞密院事張浹書丹并篆額

竺乾之教至自西土漢唐以降歷代推崇雖遐荒小邑亦有香火之奉矧旬侯衛服密邇

王畿道場之設宜矣然非潔已勵志之士奮然振起其孰能昌且熾哉樂城善果寺創自隋唐火于金季皇朝革命粵有明悟大師寅公憫其荒圯銳意興復殿堂廊廡稍就序而寅忽示寂嗣法浦公繼之九謹中建二大殿前三其門後崇其閣僧寮齋室悉具金碧絢爛巍然為樂之勝利又置水磴果園僦舍旅肆以資常費抑可謂有志而能昌其教者矣師諱惠滿姓牛氏樂城牛郭

鄉人也髫髻出家禮寅為師年甫二十受具足戒博覽
羣經靡不洞徹先住真定廣淨院已加修整至元改元
行中書省右丞哈剌哈孫時為善衆寺都功德主疏請
住持樊者完之縛者補之仆者植之不數載輪奐一新
道行

上聞

制授國教大師所度門弟子七十餘人行年八十有一
聰聰視明焚誦不輟已亥丁丑甲子贊正寢示疾而化
實大德三年十二月十七日也後吉日門衆奉師遺骨
起塔於寺之東南越明年庚子春仲講經沙門志亨狀
師顛末介同僉樞密院事張公徵文於余余聞釋氏之

徒以清淨寂滅為心興建修築為事蓋佛本在心而人能求諸內者寡假土木莊嚴之具以竦動之見其殿宇巍巍像設輝輝起敬起慕油然而生悞革貪饕而朴素化凶暴而慈祥俾種種諸惡咸歸於善其有益於世教如此故寶坊福地不得不盛飾也營度既廣經費彌繁惟有志者克勝其任今明悟肇教於前而因教肯構於後銖積寸累疾為舒用盡瘁相役寒暑不輟卒成大招提證大因果以致衆生駭矚覺悟以善其身實有賴於茲顧不偉歟是宜銘銘曰

佛氏之教 宏闊勝大 法雨慈雲 無乎不在 普
薩萌周 大千世界 像而事之 福利是賴 猗歟

滿師 蚤蒙陶冶 發菩提心 受如來戒 起大祇
園 作大梵唄 殿閣鮮完 金碧彩繪 仰逼雲霄
下臨爽塏 惟師之功 略不意介 性本圓融
身無罣礙 西土逍遙 緣畢而邁 不朽者存 琬
圖具載

至大三年五月 日

制授住持講經律論 沙門志亨立石 鹿泉石匠曹
用刊

右碑王之綱撰張淡書丹并篆額沙門志亨立石王
之綱見元史王鶚傳鶚無子以壻周鐸子之綱承祀
之綱官至翰林侍講學士此碑作侍讀學士蓋傳誤

也碑云至元改元行中書省右丞哈剌哈孫爲寺都
功德主蓋非順德忠獻王答剌罕哈剌哈孫也忠獻
王以至元九年命掌宿衛襲號答剌罕二十八年拜
湖廣行省平章政事大德二年拜浙江行省左丞相
其入仕皆在此後攷至順三年昭思撰哈剌碑稱公
父兄弟四人叔諱哈剌哈孫以資德大夫中書右丞
行中書省事後以本官襲父職終於位其名位時代
與此正同又哈珊本畏兀人其祖寫云赤篤忽璘以
宣差眞定府路達魯花赤斷事官來監郡因居樂城
遂爲樂城人則碑所云行省右丞爲哈剌之叔無疑
矣

追贈董俊聖旨碑

碑高六尺廣三尺十三行行二十九字有陰及兩側並正書至大三年十月立今在豪城縣西北南孟村墓

上天眷命

皇帝聖旨惟我有元受天明命肇基朔土方寶運之不
隆假息睢陽尚金源之未殄于疆于理載馳載驅援抱
鼓以忘身事莫追于既往錫圭畚以胙土恩易沛于將
來故龍虎衛上將軍中山知府監軍右副元帥董俊沈
驚而能謀純誠而弗貳際風雲歸

真主披荆棘立諸城才優王帳之奇學貫金甌之祕遏
羣寇于搶攘之始輯遺黎于瘡痍之餘威以暢惠以孚

出則攻居則守桑麻四野同為拱北之民組練三千分
握征南之節憤投機之易失輒鼓勇以先登節惠易名
儻弗加之禮秩以勞定國其曷勸乎人臣升平共享者
疇歟偉績當書者卿也於戲麒麟圖像凜千載以如生
龍虎忠規尚一門之濟美有顯惟渥不昧其承可
特贈
翊運効節功臣太傅開府儀同三司上柱國追封壽國
公

忠烈主者施行

至大元年閏十一月 日

右碑刻董俊贈謚制曾孫守仁立石守仁元史無傳
未詳何人子豪城縣志縣西北二十五里南董村有

參政肅誠公董守仁墓學士虞集撰碑今未見拓本文亦不載道園學古錄元文類有元明善撰平章董士選贈三代制加贈其祖董俊推忠效節翊運功臣依前開府儀同三司柱國改封趙國公仍謚忠烈又見袁桺清容居士集制凡九道其三道與元文類同未知果係何人所撰攷士選召除榮祿大夫陝西行省平章在仁宗皇慶初歲餘卽謁告還里臥疾五載至至治元年正月薨見吳文正公文集董忠宣公神道碑據此則加贈三代事當在皇慶中又在至大元年贈謚之後矣此制元文類清容集皆不載未詳何人所撰正定府藁城縣志並載此文今以石本校之

府縣志本於龍虎衛上將軍上有金紫光祿大夫平
章政事謚忠獻董文炳父十七字石本無又制文亦
微有不同不知修志者從何采入制稱俊官監軍右
副元帥皆金官元初多襲用金制金百官志都元帥
府有左右副元帥各一員正二品元帥左右監軍各
一員正三品

碑陰并兩側

左側五行碑陰二十四行右
側五行行五十四字並正書

翰林直學士朝列大夫表明善撰
俊字用章姓董氏真定人父昕農隱不
仕公夙有大志以氣雄鄉里金貞祐間邊事棘藁城令

募兵抗倭于庭射善中者拔為□□□□□□□□
□□□□募□□我

太□□帝命國王木華里寔始剽金歲乙亥取薊燕勝
南下而公審所歸遂為大元人郡王訖德家公戰疾力
已殂承

制□□□府監軍左副元帥行知州事定武以南恣
為金守郡王以軍民□□命公除監軍都監外凡置官
屬得便宜選任時金義宗走河以上南人懷顧望公獨

一心王室夷險不移戰輒勝攻輒克庚辰春事聞郡王
承制授右副元帥行元帥府事佩金馬符仍中山知
府撫定中山□壽□□慶郡無極唐縣邠州得便宜辟

置官屬刻鑄符印金將武仙為真定總管方與我爭河
朔冬金大發兵以張仙公南剋堯城圍晉趙州平棘辛
巳陞堯城縣為永安州事悉屬公郡王承制加授龍
虎衛上將軍監軍餘如故秋國王圖真定遣□宿□□
帶將輕騎三□出倒馬關與公合兵鏖戰廬奴仙梟將
葛錢槍者來戰仙陳于後葛鐵槍敗仙走獲軍資鎧仗
無算圍真定國王太兵繼至仙窮蹙出降王以史天倪
為都元帥監鎮真定武仙副之公仍鎮中山壬午從國
王入關略鳳翔癸未公還國王薨甲申字羅嗣國王武
仙名雖臣我心實携貳其黨往往柵險要不聽節制公
悉討平之策仙且叛言於元帥宜密為之備乙酉仙果

害元帥復為金守真定公屯曲陽我治中李全以中山
應之仙銳氣戰公黃山下仙脫走公率衆守永安真定
州縣曰拒皆為仙守公提兵軍禾反側間仙屢悉銳來
攻無利秋來蹂我禾公登城語之曰汝欲民而奪
之食無道者不為也仙慙去公潛遣部將都統劉成節
判燕雲季主簿劉海出兵間道掩擊之仙退冬故元帥
弟史天澤曰都元帥請兵國王討仙國王遣先鋒李羅
口將精騎趣真定公以兵會戰于口頭仙走壁雙門復
真定緡元帥李羅口師還未幾仙陰伏死士於大隱寺
身引兵外來死士夜斬關內應城中亂元帥與親將李
伯祐縋城走公公以全軍夜入真定復之仙走壁抱犢

俄踰河徙新衛己丑太宗即位公朝于行在所時朝者
上所統戶版率虛張丁口以徼恩賞公獨以實上曰持
不立異日民少而戶多來需必厚殺兄承人必受病
且欺君不可辛卯武仙圍公於汲縣遣部將鎮撫張平
率勇士三百出戰公以精甲繼之與大軍合仙既遁去
壬辰王師悉渡河會汴梁自金主徵其叅政完顏忽
斜席及武仙兵十萬入援至鄭州西與我師遇公率衆
先與仙接大軍繼之仙敗走西山遂克鄭州金師既殲
於口山癸巳正月金主棄汴梁走歸德公從大軍會灘
水上壓北門而陳二月城人夜薄我於水公殊死戰遂
歿年四十有八公沈雄樂易愛人善器使見善生殖者

即權與之語墮不□□者即怒罰之行元帥之日有謀
叛者三百許人事覺誅正首惡餘悉不問深與間有以
妖言惑衆者所司捕繫鉤黨逮千餘家當之門誅公白
王者雪其平民獲免者萬餘人武仙既走永安州節度
使劉成以其屬叛我賜張威州公令曰叛者止成一
人其下何罪來者沒其帑逾月皆自拔歸命用其材人周
其貧匱趙州民據天臺砦既降之他將議取其童男女
公曰降而奪其子仁者不為遂無敢取者初公之南征
也人德公寬多顧為私人既免其虜效悉聽之去隣縣
人有被掠者遇之必贖歸其族公膽勇過人每戰身先
士卒立矢石間神色自若萬於信義嚴而不殘故得衆

心曰為之用百戰未嘗崩敗焉公在河南遇金士侍其
軸先生明性命之學即以禮請歸為諸子師嘗訓其子
曰射百日事耳讀書非積之不通吾遭際朝廷粗立門
戶汝等當勤苦自食其力勿見非分以為我累公薨之
二十有七日葬於棗城高里

制贈胡運效節功臣太傅開府儀同三司上柱國追封
壽國公謚忠烈□八子長曰文炳資德大夫中書左丞
僉書樞密院事贈金紫光祿大夫平章政事謚曰忠獻
公次父蔚侍衛親軍千戶次文用翰林學士承旨資
德大夫知制誥兼脩國史贈銀青榮祿大夫少保追封
壽國忠穆公次文直金符棗長次文毅中順大夫同知

□□路抱管府事次文振早世次立進道德路判官次
文忠資德大夫僉書樞密院事典瑞_卿上院□光祿大
夫大司徒追封壽國公謚忠貞論曰 皇元受 天命
龍興幕北一時魁人神士起而翼之天戈所指完顏氏
捧首南竄而中州□□亦自謂適際其會思立功名若
忠烈公者奮起聖畝糾率猛士百戰百勝立中山復真
定下州縣十竟以戰死嗚呼毅哉特聞忠烈公善教□
故□獻公侍衛公忠穆公忠貞□□孝□聞天下而大
勲大節著於信史忠獻公之子士元武節將軍右衛親
軍千戶復與宋人戰歿

贈鎮國上將軍僉書樞密院事謚□愍公□□□推

忠效即功臣龍廟備上將軍口書右丞上護軍追封真
定郡武愍公其餘子孫或相或口口清白剛正見傳世
之言家口者口推董氏口口口口至大三年十口口
口曾孫守仁立石 曲陽賈德剛孟口刻

右董忠烈公家傳袁明善撰無書碑人名袁明善當
即元明善書碑者誤也文載元文類作彙城董氏家
傳吳文正公集有題董氏家傳世譜後所云彙城董
氏家傳元明善撰世譜虞集撰傳詳核譜簡明者即
此也元文類所載此文校石本多四千一百數十字
文類龍虎公諱俊上有國朝龍興幕北云云百一十
四字石本無又文類敘公諸子官位後接敘公長子

文炳功業凡四千餘言石本盡刪之又傳後贊辭兩
本迥異文類本敘文炳長子士元戰死揚州事在傳
後又備書士元弟士選士秀二人官位石本削之而
移士元死戰及兩次贈官賜謚事於論中立石者名
守仁疑卽士元子故於士元贈官賜謚事徇詳至於
石本與元文類本互有異同者碑立於至大三年正
制贈董俊官爵之後守仁欲表揚其曾祖功業故將
家傳刪改以爲忠烈公傳耳然其不學亦於此可見
矣董俊元史有傳事蹟大略相同而此較詳備今以
元史本傳及李治撰太傅忠烈公神道碑元文類彙
城董氏家傳校之其中有與石本異者如治中李全

叛應武仙俊軍曲陽敗仙黃山下本傳敘爲庚辰春

事

神道碑元文類同

石本與太祖紀皆以爲乙酉年仙書史

天倪後事案元史列傳多芟薙諸人誌狀爲之而又失於稽攷遂誤綴李全叛事及黃山之戰于庚辰年錢少詹廿二史攷異注氏鄉祖元史本證皆以李全叛事本紀書于二十年爲誤是又誤信本傳之謬而反誣本紀之信辭矣又陞彙城爲永安州郡王承制加授俊龍虎衛上將軍監軍石本繫之辛巳本傳元文類皆繫之庚辰而無辛巳壬午癸未甲申四年事神道碑則以再授左副元帥陞彙城爲永安州敘在壬午年餘同本傳

李治王善神道碑亦以陞彙城爲永安州匡國軍爲壬午事又

武仙以眞定降國王命仙副史天倪鎮眞定後仍鎮
中山石本敘在辛巳本傳神道碑元文類並在庚辰
金史宣宗紀亦以武仙降元爲興定四年八月事元
史太祖紀亦云十五年庚辰木華黎徇地至眞定武
仙出降以史天倪爲河北西路兵馬都元帥行府事
仙副之又云是歲授董俊龍虎衛上將軍右副都元
帥皆與石本不同又碑有故元帥弟史天澤請兵國
王討仙國王遣先鋒字羅口將精騎復眞定云云攷
史天澤傳字魯承制命紹兄職爲都元帥俾笑乃解
將蒙古軍三千人援之合勢進攻擊仙敗之仙奔雙
門遂復眞定案笑乃解卽肖乃台元史有傳傳中敘

援天澤事大略相同則字羅口當卽肖乃台金元人
一人多有二名惟本傳不言肖乃台又名字羅口耳
碑有仙陰伏死士於大圓寺夜斬關內應城中亂公
以全軍夜入貞定復之仙走壁抱犢云云事互見史
天澤肖乃台傳大圓寺在正定城中宋張端義貴耳
集貞定大圓寺有藏殿雖小而精巧藏經皆唐宮人
所書有塗金匣藏心經一卷後題善女人楊氏爲大
唐皇帝李三郎書是此寺宋元時猶存今其處已不
可攷抱犢卽金史武仙傳及元史史天澤傳所云抱
犢寨也又碑云己丑太宗卽位公朝于行在所上所
統戶版本傳神道碑元文類並作戊子攷元史太祖

以二十二年丁亥秋七月崩于薩里川哈老徒之行
宮太宗遠在霍博不得卽至皇子拖雷監國於是蒙
古無君者一年至己丑太宗自霍博來會喪八月諸
王百官大會於怯綠連河曲雕阿蘭之地以太祖遺
詔卽皇帝位於庫鐵烏阿剌里據此知俊以太宗卽
位來朝則當在己丑無疑本傳神道碑元文類之作
戊子誤矣又碑有辛卯武仙圍公於汲縣云云史傳
及神道碑元文類金史哀宗紀武仙傳均不載又碑
金師旣殲於□□山山上二字泐金史哀宗紀天興
元年正月丁酉大雪大元兵及兩省軍戰鈞州之三
峯山兩省軍大潰又見合連蒲阿及武仙傳據此則

山字上當是三峯二字其餘事蹟大略與本傳同又碑云公在河南遇金士侍其軸明性命之學卽以禮請歸爲諸子師侍其軸元史無傳宋本處士甄君墓碣銘真定處士甄昌祖字茂先師事侍其先生軸蓋卽其人軸字乘之見蘇天爵志學齋記元和姓纂漢廣野君酈食其園孫賜以食其爲氏曾孫武平帝時爲侍中改侍其焉蓋侍其得姓之始如此又宋史有侍其曙碑稱公子八人長文炳元史有傳文蔚文用文直文忠有傳附俊後文炳子士元亦有傳附文炳後其列銜贈謚大略與本傳同惟士元列銜頗與本傳不合其說已詳士元加封賜謚聖旨碑跋

追封董士元聖旨殘碑

殘碑高四尺廣三尺十三行行存十七字正書至大元年閏十一月立今在豪城縣西北南董村墓上

上天眷命

皇帝聖旨昔我

世祖聖德神功文武皇帝撫隆昌之缺興圖之數淮璠

固拒尚謀晷刻之安粵有缺徇國曷錫慶以疏封故武

節將軍侍衛親軍缺飾躬文雅韜略早傳于家法姓名

溪簡于

宸衷登口忘蜀道之艱拱日肅周廬之衛君缺太常公

武佐父之軍亦分符于別閫所攻必缺必完柵堂堂而

莫犯決勝于往來之頃追缺之來歸莫與龍驤之第賞

何嗟及矣勿缺偉承家之有口指山河盟帶礪其延缺

可追封鎮國上將軍僉書樞密院缺

至大元年閏十缺

碑陰

十三行行存十六
字正書至大三年

上天眷命

皇帝聖旨忠孝成家代顯紹先之缺口載口賁章隆舉

特贈鎮國上將軍簽書樞密院事謚曰缺禁衛延僚脩

詩書禮樂之聞明龍席烏輶缺奮投口口渡江淮耻口

越甲之敢鳴竟裏缺真寔乃口佐王業之口基平大理

下江南缺口口乎前武餘烈口其後昆雖人臣之義缺

易云錫命□用□功增秩改謚進封於戲缺威道有升

□爾□極夫哀榮英槩猶存缺贈推忠効節功臣龍馬

衛上將軍缺追封真定郡公改謚曰□愍□□缺

至大三年缺

右碑前面刻至大元年聖旨末行有至大元年閏十
六字下缺案追贈董俊聖旨碑題至大元年閏十一
月則此碑閏十下所缺者當是一月二字二制蓋同
時所下攷棄城董氏以武節將軍侍衛親軍千戶追
贈鎮國上將軍僉書樞密院事者惟忠獻公文炳長
子士元碑陰聖旨卽其改謚進封之制有元明善橐
城董氏家傳可證士元元史有傳附其父文炳傳後

云至大元年贈鎮國上將軍僉書樞密院事謚節愍
後加贈推誠効節功臣資德大夫中書左丞護軍追
封趙郡公改謚忠愍案至大元年制稱追封鎮國上
將軍樞密院下與本傳及家傳同知碑樞密院下缺者
是事謚曰節愍五字碑陰至大三年制稱推忠効節
功臣龍虎衛上將軍中追封真定郡公改謚□愍家
傳上將軍下有中書右丞上護軍七字愍上勅一武
碑軍下缺者是中書右丞上護軍七字愍上勅一武
字本傳稱後加贈推誠効節功臣資德大夫中書左
丞護軍追封趙郡公謚忠愍案家傳及此碑無資德
大夫趙郡公及忠愍之謚墓碑有之其改謚進封當

又在至大三年後也傳蓋合書兩次官爵而誤佚其至大三年追贈官爵及武愍之謚爾又本傳右丞誤作左丞護軍上脫一上字有家傳碑及忠愍墓碑可證侍衛親軍千戶家傳作右衛親軍千戶案兵志右衛中統三年以侍衛親軍都指揮使董文炳兼山東經略使共領武衛軍事至元元年改武衛爲侍衛親軍分左右翼置都指揮使八年改立左右中三衛掌宿衛扈從兼屯田國有大事則調度之攷士元戰死揚州在至元十三年正侍衛改立左右中三衛之後制詞猶稱侍衛蓋從其初改之銜名稱之也

趙郡忠愍公董士元墓碑

碑高五尺四寸廣二尺六寸五分四行行十一字正書無年月今在棗城縣西北二十五里南董村墓上大元鎮國上將軍僉書樞密院事節愍贈推誠効節功臣資德大夫中書右丞上護軍追封趙郡公謚忠愍董公墓

右碑無立石年月及書碑人姓名攷棗城董氏在元賜謚節愍後改謚忠愍者惟文炳子士元據至大三年加封改謚制及董氏家傳知至大三年已改謚武愍贈推忠効節功臣龍虎衛上將軍中書右丞上護軍追封眞定郡公此碑謚忠愍有資德大夫又推忠作推誠與元史本傳符當是第三次加贈改謚無疑制詞不載元文類因附聖旨之後

董文直神道碑銘

碑高一丈廣三尺八寸二十四行行五十七字正書
篆額皇慶元年十一月十九日立今在彙城縣西北

南董村
董上

大元故彙城令董府君墓碑銘

大元故彙城令董府君墓碑銘

有序

上直學士朝列大夫知制誥同脩

國史元

明善撰第十八姪男士庶書

儒林郎秘書

少監楊桓篆額

彙城董氏自太傅壽國忠烈公顯忠烈奮田間有佐

命勲復與金人戰死家子金紫光祿大夫平章政事

忠獻公輔

世祖皇帝平六詔闢江漢竟城宋一四海為國元

臣然忠烈死事時九子皆少忠獻年十六事母李壽國

夫人夫人持家既有法忠獻復善教育諸弟俄上

命忠獻令鄉縣大治號為神君數年去位

世祖軍久之上復以君嗣令實佩黃金符盡蹈前

蹟益勵清敏乃求政要賢良者使在官悉逐諸剗削民

者振德孤弱勸率耕蠶而均賦役時禁網尚漏官者未

諫諫苞苴一絕豪不得曲法於貨訟罔不平民自以不訟

延備孔子廟廣黌舍招名儒躬行舍菜禮執經問

道以先諸生醫究經脉吏明法律亦命相師凡五年民

士著盜賊屏息勃旱家給俗厚而人能里巷肅然至樹

戒曰母過過必令知迄今余感人或譙為縣者韓曰汝

吾輩君耶君諱文直字彥正忠烈第四子剛毅莊果簡

言嘆通經史法律初忠獻公及季弟司徒忠貞公去事

世祖次兄少保忠穆公亦在朝俱有仰於家

食者餘百口待繭而衣指苗以飯君倡勤昭儉始卒不

替內則養生死事之令禮外則中表賓問之中度奉上

接下一敬一愛藹乎其睦也又好施而甚仁里閭或貧

不自立每陰濟其棘不使之知恩爾來微至儉病必手

予粥藥或止之曰不忍以其賤違吾愛心及棄官浮湛

里社任真適意親賓過從尊酒相勞家門日以煇赫已

獨恬然不見諸辭色至元十三年歲在丙子五月十日

以疾終享年五十有二其年七月十有六日葬于九門

之北原君娶楊氏京城丞沂之季女賢而克配相君子

以成又二年之六月七日卒多君壽一年合葬于男土

表從忠獻下江南有戰多其取者宋將張世傑陣大軍

焦山下致死於我忠獻為元帥將戰而忠獻聞

其無兄弟不許固請通許父子果大捷策勲累遷鄧州

親軍萬戶收淮東屯田軍萬戶佩金虎符階至安遠大

將軍女適同知真州路總管府事蕭名孫男守義嗣

屯田萬戶曾孫男鈞釗昔者君之哀問于忠獻忠獻方

聞鎮宋都哭之慟左右曰公慟恐傷奈國事何忠

獻岐源曰身及諸弟子出理皇家委百口是弟弟

勞苦三二十年吾無內顧今而後永負之矣復大喪夫

一門四世若相若將光輔累朝清忠純孝照耀天

下世之談者必首董氏趙人張世昌先生之狀曰君範

家類柳公綽馭吏類包希仁潔已類吳處默若君者

國家得而大用之未必不與兄弟並輝齊烈此墓碑

之待表於信辭也雖然蘊德深者其發必大以遠子將

孫將克國世業而孫也器宏而才良蓋大者哉明善於

董氏為門生宜為表君之辭辭曰

抑抑董君憲憲令人巍巍閭閻蒸蒸父舅佩黃金符來

吏鄉縣民亦有謠來適我願匪鑒而明匪水而清民斯

懷之播遠頌聲於戲君子胡器之盈而敦而璉清廟是

承大廈棟楹杞梓廼勝列戟差差朱戶輝里高牙廂

鑒和至止惟舅弟之庸惟章服之華何必在身而起敬

嗟嘸彼厚壤九門北口元文類作北原據拓本下有九

泉孰急斯賢嘸彼圓天羽者翬聯瑞若皇鸞孰斬高騫

人貴乎德德大人大大而弗達德也奚害銘以揭隱昭

示來代尚萬斯年無泐攸載

皇慶元年歲在壬子十一月壬子朔十九日庚戌男

定遠大將軍洪澤屯田萬戶士表立石

石師曲陽楊伯春高良孟溫刺

右神道碑銘元明善撰第十八姪男士廉正書楊桓

篆額男士表立石士廉文用第七子見元史文用傳

吳澄忠穆公墓表稱士廉國子助教翰林編修元明
善字復初大名清河人官至翰林學士至治二年卒
奉定間贈資善大夫河南行省左丞追封清河郡公
謚文敏事蹟見元史本傳明善列銜口口直學士朝
列大夫知制誥同修國史直學士上二字漫滅案明
善傳云仁宗卽位改翰林待制與修成宗順宗實錄
陞翰林直學士又仁宗本紀皇慶元年冬十月戊子
翰林直學士王連赤不花等進順宗成宗武宗實錄
又馬祖常撰明善神道碑仁宗卽位之明年陞翰林
直學士朝列大夫知制誥同修國史是年十一月十
九日正實錄告成之後知直學士上所缺者是翰林

二字又楊桓列銜爲儒林郎秘書少監案桓傳云成宗卽位陞秘書監秋滿歸兗州大德三年以國子司業召未赴卒此碑建於皇慶元年上距桓之卒已十有五年矣豈碑文篆額皆成於大德初因循未及立石至是士廉始爲書碑因列明善見在官階并將楊桓前書篆額刻之耶文載元文類今碑泐百七十餘字據文類補之文直元史附其父俊傳傳本芟薙此文爲之故事蹟多與此同碑敘士表焦山之戰事詳董文炳傳及揭傒斯撰武獻公董士表碑其敘士表官位大略與武獻碑同淮東屯田軍萬戶武獻碑作洪澤屯田萬戶案食貨志云洪澤萬戶府屯田河南

行省所轄世祖至元二十三年立洪澤南北三屯設
萬戶以統之其置立處所在淮安之白水塘黃家疇
等處爲戶一萬五千九百九十四名元文類載經世大典作一萬六千
戶爲田三萬三百一十二頃二十一畝
經世大典作三萬五千三百一十二頃二十一畝
頃世祖本紀二十年置淮南洪澤芍城兩處屯田虞
集撰昭懿公董守義碑亦作洪澤屯田萬戶並無淮
東之稱蓋撰碑以其地在淮東故特作此異文爾

棗城王氏宗系圖碑

碑高一丈三寸廣四尺九寸上截序文三十八行行
十一字下截刻譜圖凡八列並正書篆額皇慶二年
立今在棗城縣北四十里南孟村墓上

蘭城王氏宗系圖

王氏譜圖序

譜為親作親盡則情盡故高曾以上略焉烏乎其初本
一身相視如塗人讀前賢譜引誠可惻悼然先王緣前
制禮其無服之親勢有不能載者雖孝子慈孫無容越
禮以自徇也王氏世居真定之藁城宗枝蕃衍盛大青
紫相望為中原名族祖父既以勲業班朝其子孫又能
肖德繼勤累葉不替予來京畿館于王門有年一日平
章王公諡予曰吾父行之適者二十一人吾昆弟行幾
六十人下吾行者又將以百計同祖之昆季子姪聚散
無常其仕于四方而不識者有之祖宗名諱慮衆有犯
無先塚纍纍恐歲久失次誠孝心之所未安今幸以小

勤被遇封及三代躋秩上公俾享有冀國孝顯私情羌
可少慰唯族派益今系譜未白欲圖而刻諸祖墳之碑
陰白始祖而高曾祖而祖考近詳遠略昭揭于圖使子
孫歲時來祀者咸觀厥初各起敬起孝可乎予謂此乃
奉先睦族之首事公其果行無畫是用勒而垂諸永公
名桓先平章榮祿公子也家世忠厚積德故能以少年
受鉅青榮祿大夫平章政事公報本意重堂祠潔誠聖
域究心又推餘力惇叙宗親命予記之以訓厥後予不
敢辭就錄其語為序皇慶二年歲在癸丑元夕前一日
廬陵歐陽長孺謹書

右土
截

始祖

諱珪夫人陳氏有子三人

右第一列

從高祖

長諱祥子一人

高祖

第二諱偁夫人趙氏有子五人

從高祖

第三諱祐有子二人

右第二列

從曾祖

第三諱堪

從曾祖

第四諱炯有子二人

從曾祖

第八諱璠

從曾祖

第七諱均

曾祖

第五諱增承安州都監贈禁祿大夫平章政事封與

國公謚武康夫人李氏封

從曾

第六諱垣夫人

從曾

祖長諱圮

從曾

祖第二諱境

右第

三列

從祖

長諱合

從祖

第三諱古夫人

從祖

第五諱口

從祖

第六諱哲

祖

第二諱善金吾衛上將軍石

公諱武靖夫人李氏封異國

夫人子二十一人女十一人

從祖姑

適右副都元帥董公

從祖

諱第四台

從祖

諱第七古

從祖

第八諱售夫人孟氏男一人女一人

右第四列

從伯

長諱有子五人

從伯

第□諱思□娶

從伯

第三諱思□征行副招討娶呂氏子□人

從伯

第四諱思問娶張氏

從叔

第五諱思溫征行副招娶張氏子一人女二人

從叔 第六諱思恭娶

從伯 長諱慶淵征行千

從伯 戶娶趙氏子一人

從伯 第二諱慶源征行萬戶

從伯 娶錢氏子五人女六人

從伯 第□諱慶薄□州路治中

從伯 娶齊氏有子七人女十人

從伯 第□諱慶滋娶

從伯 第□諱慶祥詔州總管

從伯 府判官娶張氏子三人

從伯 第六諱慶洽娶宋

從伯 氏子一人女二人

從伯 第七諱慶洋與魯千戶

從伯 娶李氏子二人女二人

從伯 第八諱慶昌娶李

從伯 氏子二人女一人

從伯 第九諱慶澤晉州酒稅

從伯 提領娶□氏有子五人

從伯 第十諱慶基娶

從伯 李氏有子二人

父第十一諱慶瑞榮祿大夫平章政事
加書樞密院事徵政使
司上柱國封典國公益忠武夫人劉氏
李氏並封典國夫人有子一人女二人

從叔第十二諱慶潤

從叔第十三諱慶修

從叔第十四諱慶渥

從叔第十五諱慶

從叔第十六諱慶洪定州人

從叔第十七諱慶崇

從叔第十八諱慶川

從叔第十九諱慶延

從叔

第二十諱慶衍克提舉
娶蘇氏子三人女七人

從叔

第二十一諱慶洵
娶朱氏有子三人

從伯

諱昂娶張氏子三人女二人

右第

五列

長娶

氏子二人

第

娶韓氏子一人

第

娶張氏子一人

第

娶馮氏子三人

第

娶郭氏子一人

長娶

肖氏子四人

第

宣慰同知娶氏子四人

第

娶牛氏子一人

第

娶孟氏子二人

功

武功將軍征行

根

劉氏子四人

第

汪氏

楨

人匠大使娶董氏子一人

長

征行千戶口口口子二人

檀

第二征行千戶娶口氏子四人

第四

第五

松

長武衛千戶娶口氏子五人

椅

第二娶口氏子四人

椅

第四娶張氏子五人

椅

第六娶趙氏

櫛

娶口氏子二人

櫛

長娶張氏子一人

櫛

第三娶張氏子二人

櫛

管領民匠副總口娶口氏子口人

櫛

長娶李氏

櫛

第二娶口氏子二人

櫛

長娶李氏子五人

櫛

第二娶張氏子一人

櫛

長娶李氏

櫛

第二娶張氏子一人

櫛

長娶李氏

櫛

第二娶張氏子一人

長娶□氏子一人

第二娶白氏子二人

樹第_三縣尹_缺娶張氏子□人

榑第_四田賦□句□□氏

楓第_五□□娶□氏子二人

杜第_二□□□□氏子二人

桓銀青榮祿大夫平章政事同知徽政院事左都威衛使娶劉氏封典國夫人_缺

此後約泐九行

容城縣尹娶□氏子二人

此後約泐二行

娶宮氏子一人

長□尉娶□氏□□

第二提領娶□氏子一人

第三□□娶劉氏

長主□□□氏子三人

□

第二 缺

□

長娶馬氏子二人

枳

第二娶牛氏子二人

□

第三 缺

朴

第四 缺

□

長娶賈氏子□□

相

第二 缺

□

長管民□□娶孫氏子一人

□

第二管民提領娶曾氏子一人

□

第三 缺

□

長□□□ 缺

□

第二 缺

□

第三 缺

成

長娶房氏子二人

威

第二娶孟氏子五人

義

第三娶□氏子二人

右第

六列

元兒

□_保氏子一人

□安

□_保氏子一人

富兒

娶賈氏子一人

□_保

娶武氏子一人

得□

長□馮氏

道家

第三

壽

長趙氏子三人

茶

第二娶□氏子二□

□

第三娶□氏子一人

□

第四

□

儀庫付使娶□氏子一人

□

第二

□

第三

□

第四

此後

泐行數不可辨

長

娶□氏

和

長

賈

第二

李

第四

太

長娶第五

□

□

□

□

□

□

此

後約

勅

五行

□

第

□

娶

氏

□

第

□

娶

□

□

長

□

娶

□

□

第

三

□

第

三

□

第

三

常

長

第

二

受

第

二

山

第

三

山

長

□

娶

氏

子

一

□

長

□

娶

氏

子

一

□

此

後約

勅

四十

餘

行

□

長

娶

氏

子

一

人

此

後約

勅

五行

馮

氏

長

娶

□

娶

馮

氏

此

後約

勅

六

行

第

六

行

元明

元封

此後約訪五行

馬兒

長娶劉氏子一人

僧家奴

文兒

長娶楊氏子二人

僧兒長

長兒

第三

羊第二

伯兒

第四

買兒

第五

仙童

長

右碑歐陽長孺撰并書長孺元史無傳案張萱內閣

書目云九經治要五冊元皇慶間歐陽長孺采九經

之要輯為一書自君臣以至朋友自治心以至治天

下分爲六門凡七百九十三章共十卷蓋當時名人
王桓元史無傳並不載其父慶端傳中文宗本紀素
定帝崩燕鐵木兒等謀推戴明宗文宗分命勇士執
中書左丞朶朶等下之獄內有太子詹事丞王桓當
卽其人序稱桓以妙年受銀青榮祿大夫平章政事
而元史宰相年表平章政事中無其名圖凡八列起
自桓之始祖珪終於桓之孫輩人各著行次及所娶
某氏有子女幾人其始祖珪高祖福會祖增見其祖
知中山府事王善神道碑其餘皆無攷慶端贈謚不
載本傳及神道碑而王善傳及神道碑亦不載增之
贈官爵謚元史善傳皇慶元年贈銀青榮祿大夫司

徒追封冀國公謚武靖正與此同則增及慶端之爵
謚當亦是年所贈橐城縣志載元城宗贈慶端謚制
稱具官王桓父故慶端可加贈推忠宣力功臣太傅
開府儀同三司上柱國追封冀國公謚忠武與此圖
慶端贈官相合則加字下所泐者是贈推忠宣力功
臣太傅九字又圖載桓從祖姑適右副元帥董公董
公卽趙國忠烈公董俊也圖列慶端兄弟二十一人
其名與王善碑相符至於諸人官位與善碑互有異
同者圖刻於皇慶二年據其後來遷陞之官書之也
又第五列自桓外凡六十五人其有官位可辨者十
八人內一人列銜僅見將軍征行四字將軍上似是

武□二字元制武散官有武節武德武義武略等階
未知孰是安陽縣至正十三年杜文獻神道碑銘云
女孫二長適完顏從益次適王桓而此碑桓下云娶
劉氏封冀國夫人其下已缺則文獻女孫當是桓之
繼娶耳

無極重修縣廨廳壁記

石高一尺八寸廣二尺五寸十八行行十四
字正書延祐改元三月立今在無極縣署

無極重修縣廨廳壁記

無極為中山屬縣作宰者自宋晁以道金馮臨海以迄
于今見於碑刻并題名班班可攷公署多厯年所不無
摧圯皇慶二年夏監縣君來視印始倡完繕之議僚案

和之如響應聲廳事五楹吏舍四楹厨庫各兩楹咄嗟而辦所需什器亦一新之皆鄉豪願為非出力取既落成求文以謹歲月樂為之書繼登斯堂者踵而修之君之所望也君名琵琶畏吾人

故大丞相安童怯薛大都八剌哈赤出身由大同之平地縣達魯花赤滿考授今職潔廉有幹局吏畏而民愛之前途所至未易量也延祐改元倉龍甲寅三月乙酉朔翰林學士承旨資善大夫致仕王思廉記縣尉安平李託書 石匠張梅端刊

右碑王思廉記李託書元史思廉傳仁宗卽位以翰林學士承旨資善大夫致仕與碑列銜相符李託無

致安童爲木華黎四世孫元史有傳兵志宿衛四怯
薛太祖功臣博爾忽博爾朮木華黎赤老溫太祖命
其世領怯薛之長怯薛猶言番直宿衛也凡宿衛三
日一更寅卯辰日木黎華領之爲第三怯薛又怯薛
執事之名司關者曰八刺哈赤平地縣屬大同路本
號平地裊至元二年省入豐州三年置縣曰平地見
地理志

祁林院歷代聖主恩慧撫護碑

碑高六尺廣二尺八寸二十行行字不等額題大元
歷代聖主恩慧撫護之碑十二字並正書有陰延祐
元年三月立今在
靈壽縣祁林院

聖旨不錄

延祐歲次甲寅戊辰月乙酉朔乙巳日壽國寺尊宿
知事上下大小僧衆等 立石 本寺祇林院講經
論賜紅沙門正顯書

僧衆題名不錄

碑陰

三十三行行五十八字
正書延祐元年三月立

杭州路大般若寺賜口沙門明亮撰 本寺傳大乘
戒講經論賜紅沙門山口寺主正昭剛補

口口口之口口口十口口口口機窮乎三口無一利不
索其恩無一土不霑其化何獨盛於東土之震旦乎據
華嚴所載世有仙山一十九處清涼口口口在口口口

如來□谷□□□三昧諸佛□隨所安時文殊師利與
徒衆一萬向清涼而說法遺風餘澤浹東土之人心日
染月漸愈久愈篤所謂清涼山者即今之五臺也中臺
之下有古名刹扁曰壽圍其寺始於高齊中罹兵火悉
成煨燼止見圯墟王子闕獨存九間殿唯在諸職事之
人與住持之衆俱□□□變鍾魚為狐鼠之窟化金碧
為瓦礫之場雖剏□有關於盛衰然聞見無非於惻惻
恭值 開運車書混同累 聖相承尊崇其法時
有普雨大師者鴈門人也披剃從緇戒行無闕躬□
帝闕親受 皇宣特賜普雨大大師之佳号開立五
臺之山門觀此荆榛喟然興嘆奮大願力誓復故規鑿

闢荒蕪恢圉舊□重與梵宇再整伽藍使壽園室剎騰
光玉殿瑛樓晃耀遂考先古之供饌止靠南北之庄田
南庄者鎮陽大明之川北庄乃古并堅州之地營種齋
根歸與僧侶先是兵革干戈擾攘本寺田土多為豪民
之所占種後遇 合罕皇帝登于震極普雨大師親

受 聖旨撫護山門命文深文用二師為□使臣凡
寺之常產在于堅州地面者例皆歸復聊脩二時之供
僧衆稍以得安南庄物業晦跡未彰到至元丁亥有僧
趙福聚為法姪王正定稱曰有故師資准時嘗有□吾
乃元是五臺山壽園寺玘公和尚之孫法諱普寂常委
掌管三尊佛祁林院庄田菌林種收粟物供送壽園上

寺凡聖齋糧慨兵火之傷殘懼山路之險阻怖往復之
艱辛就將一宗之田園欲掩昧為已有故別先訓自改
宗支易普寂名資淮俾趙福聚等將物業碑記碎為塵
灰田土園林俱屬□□後召異徒以同居訪他宗而
共住因僧衆不睦互相矛盾致將三尊佛殿宇荒廢傾
危祇林院房舍摧朽毀壞為此福聚與故師兄文全門
資王正定具錄前語而為詞將下碎碑為證前往臺山
歸宗認祖繼經所屬陳詞緣時隔未蒙明降續有文全
門資提點僧正文及正圓正顯正贊亦同前狀俱行出
首本寺與之改正名字有住持順吉祥幼年披剃戒德
無虧久閱華嚴大經數盈千部齋設往來緇素可滿百

万常坐則六時禪定不倦經行則頂戴華嚴無違各世
皆稱曰華嚴菩薩大德丁酉 天元皇太后三宣入

内特委臺山五路之僧權菩薩堅執固辞而弗受見其
守道賜之禅衣袈裟淨瓶錫杖旌表有德信敬厚矣至
十月内具資准隱產之事上達椒闈 皇太后特遣

掌管天下僧官衙門宣政院判謹敦相公賁肇 懿

旨馳驛前來真定府開讀訖將三尊佛祇林院一宗田
園照見明白盡行分付壽園寺依舊為主除敬奉外宣
政院總攝口所各給執狀令壽園作主收掌為照了當
至大戊戌順吉祥又欽奉 完澤都皇帝聖旨

天元皇太后懿旨 皇后懿旨 帝師法旨各該

護持俱刊於銘嘗聞古語云 皇天無私惟德是輔若
非菩薩純德契理格於穹蒼安能上徹九重之視聽而
復萬古之物業哉 聖上垂恩僧徒蒙廕此時幽居

寺正殿慈氏重鮮三尊佛宝塔廊廡復煥龍王堂聖像
舒光羅漢宇容儀瑩爛起諸聖殿於西隅與馬明堂於
東角始建東西二相創修廂舍三門浮圖森聳於穹中
鷗吻迥出於漢外日輝風嶺瑞氣浮於翠竹月印龍池
寒影映於青松素仕歸依緇流瞻仰大德丁未七月順
吉祥示滅神□非常恐繁不錄在寺僧衆迂吉祥等同
持跪狀保請本寺導吉祥乃普雨大大師之嫡資也七
歲出家從師受學德業精潔解行冰清仕庶歸依官寮

信敬及果公講主同為住持通續其燈克紹先志至大
戊申欽奉 曲律皇帝聖旨 今上皇太后懿旨

皇上潛龍令旨 帝師法旨特為撫護 聖

德加於惠寵僧徒悉霽恩庥增葺僧舍五十余間設度
門徒有百余衆皇慶癸丑續受 今上皇帝聖旨亦

為護持 累朝聖主留心國代宰臣祐護教門光□

僧友安然香積雲蒸□□日□宣一音之梵唄轉大藏
之真文報佛祖之深恩祝 皇王之勲筭金枝玉葉

永茂千春國泰民安□□□□□□如□□下留前人
命名之□尔一旦壽園住持等聯轡踵門忽謂予曰壽
園下寺積有歲年世譜宗圖悉為烏有師蓋為我記其

本末□□□垂示將來俾後之□于是者得知乎□
□□聞斯語不敢固辞遂直書其事而系之為銘 五
頂山中 古佛示處 路轉南回 鸞飛鳳舞 有大
招提 典於□□ □公作成 文□替助 迄至□
□主茲梵宇 道廣馨香 水雲畢聚 先有資淮
忘其厥祖 革人傷殘 徑途□附 □往臺山
□於艱苦 □□銘碑 變為塵土 田土藺林 悉
皆隱據 另度門徒 召他師侶 牙起□伏 朽壞
院宇 □□□□ □□□□ □庭 □詞實
訴 聖鑒照然 歸還常住 斷自震聰 出于天語
香積宏開 皇恩廣□ 龍象懽騰 □□□□

及道住持 □修昭□ 果公重扶 □禪通慕 德

被緇流 福延宝祚 劫厯僧祇 壽恒沙數 天地

之間 物各有主 □□□□ 一毫莫取 □□□

言 後人為度 刻此堅珉 傳於万古

本村功德主 張得□ 邢正邢社長 辛百戶

朱得林

本寺祇林院講經論賜紅沙門智□書 智浩 智瑛

智仁 智園 智未 智權 惠 惠 惠信

延祐元年季春月莫凋六葉記 行唐縣祁侯村□

□提控王潤第王仔□□□ 行唐縣□庄村文殊

院現寺主智珂智賢

右碑陰記沙門明亮撰正昭刪補其文即碑陽額所

稱歷代聖主恩慧撫護之碑也明亮無攷杭州大般

若寺不載咸淳臨安志

志有慈雲嶺般若院乾德四年吳越王子泰三建非此

案田汝成西湖遊覽志萬松嶺報國寺元至元十三

年從湖僧楊璉真伽請卽宋故內建五寺曰報國曰

奧元曰般若曰僊林曰尊勝當卽此般若寺碑稱清

涼山卽今五臺見水經注今五臺猶稱清涼山普雨

文深文用諸名見邠林院聖旨碑記大壽園寺宗派

圖堅州今之代州繁峙縣金史地理志河東北路代

州有繁峙縣貞祐三年九月升爲堅州元史地理志

冀園有堅州下唐繁峙縣今爲堅州隸太原路元因

之合罕皇帝卽哈罕皇帝元史不載其爲何帝尊號
他碑亦所罕見惟河南安陽縣上清正一宮聖旨碑
內稱成吉思皇帝哈罕皇帝與此正同又元史劉秉
忠傳載其上書世祖勸世祖修建三學設教授兼科
舉之設且曰已奉合罕皇帝聖旨云云元文類經世
大典序錄云乙未年哈罕皇帝聖旨籍打捕鷹房戶
屬御位及諸王公主駙馬置打捕鷹房官攷乙未爲
太宗八年然則合罕皇帝其爲太宗無疑矣順吉祥
卽華嚴大師正順天元皇太后卽裕宗徽仁裕聖皇
后然史不載其有天元之號又攷武宗至大無戊戌
完澤都爲成宗廟號戊戌乃成宗大德二年碑云至

大戊戊順吉祥又欽奉元澤都皇帝聖旨云云者益
大德戊戌之誤耳